



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ministro Ecclesiae, Sermones III. in solennibus cœtibus ecclesiarum urbis & agri Tigurini

Werdmüller, Otto

Tigvri, 1551

VD16 W 1983

Vigilantissimo Basiliensis Ecclesiæ Episcopo, Domino Osualdo Myconio,
Domino & patri suo plurimum colendo, Gratiam & pacem à Deo patre per
Christum Iesum.

urn:nbn:de:hbz:466:1-35649

2

VIGILANTISSIMO

BASILIENSIS ECCLESIAE

Episcopo, Domino Osualdo Myconio, Domino &
patri suo plurimum colendo, Gratiam &
pacem à Deo patre per Christum
Iesum.



CVM animaduertentem à Christo unico seruatore nostro, in quo sunt omnes thesauri sapientiae ac scientiae reconditi, similitudines & parabolas adhiberi tanquam maxime idoneas ad docendum rudiores, ad excitandos auditorum animos, ad altius infigenda diuina: arbitrabar me non paruū operæpretium facturum, si quæ de ministris ecclesie similitudinis inuolucro tecta detegerem & latius explicarem. Itaque pro mea tenuitate rebus à quibus ducuntur similia perpensis, & cum ecclesiastico ministerio collatis, insuper euolutis doctissimorum uirorum commentarijs, quæ de concionatorum officio parabolice scripta reperi, magno undequaque studio collegi, & in unum quasi corpus redegei. Quoniam uero sermones de his publice recitados, aliquot fratres non solum adprobant, uerum etiam editionem urgent, itaque quidem obsequor, ut nihil mihi arrogem. Sed si, qua uti soleo, methodus laudè meretur, tibi eam uenerande pater acceptam fero, qui me plus mi-

decem annos à tenera etate fideliter institue-
ris, nihilq; quod ad ingenium meum pietate lin-
guarumq; & artium cognitione excolendū per-
tere uidebatur, intermiseris. Huius diligentie ac
laboris, quem cum aliorum discipulorum, tum
mea causa immensum pertulisti, fructū certe in-
gentem percipere debebas. At quia nec parenti-
bus nec præceptorib. par referri gratia potest: be-
neficiorum haud immemoris saltem iudiciū hac
mea nuncupatione dare uolui. Imaginem opti-
mi ecclesiastę, his sermonibus, uelut in tabula de-
picti, tibi meo patri peculiariter dono. Et cui poti-
us quàm tibi, qui uiuū exemplar es optimi eccle-
siastę, dedicare? Nā ex eo tempore, quo à ludo li-
terario reuocatus, in D. D. Ioan. Oecolamp. præ-
stantis. Theologi locū diuina prouidentia susse-
ctus es, ecclesiā fidei tuę cōmissam ab errorū atq;
uiciorū cōtagio, quantum in te sitū est, præserua-
re, & salutifera doctrina Euāgelij gubernare, per
tot discrimina nō cessas. Quā ob causam omnes
synceri ac piij uiri studiū & fidem tuā admirātur,
& dignis laudibus cōmendant. Eo nomine ego
quoq; tibi ecclesięq; Basiliensi gratulor, & ex ani-
mo dei benignitatē oro, ut administratione tua
multos adhuc in annos ecclesia fruatur. Vale for-
liciter cū matre de me bene merita. Saluū cupio
symmysiā tuum D. Ioan. Gastium, qui suo para-
bolarum libro utilissimum laborem sustinuit.
Tiguri, Anno M. D. L I.